



**UNIT KOMUNIKASI KORPORAT JABATAN  
PERIKANAN MALAYSIA  
BERITA PERIKANAN HARI INI**

**18 Januari 2021**  
**05 Jamadilakhir 1442H**

SENARAI AKHBAR	TAJUK
Utusan Malaysia	<ul style="list-style-type: none"><li>• Bekas atlet paralimpik gigih ternak ikan air tawar</li><li>• Nelayan sukar tangkap ikan</li></ul>
Berita Harian	<ul style="list-style-type: none"><li>• Nelayan tidak puas hati pampasan hanya RM20,000</li></ul>
Harian Metro	<ul style="list-style-type: none"><li>• Usah panic bekalan ikan berkurangan</li></ul>
Kosmo !	<ul style="list-style-type: none"><li>•</li></ul>
Sinar Harian	<ul style="list-style-type: none"><li>•</li></ul>
The Star	<ul style="list-style-type: none"><li>•</li></ul>
New Straits Time	<ul style="list-style-type: none"><li>•</li></ul>
Nanyang Siang Pau	<ul style="list-style-type: none"><li>•</li></ul>
Malaysia Gazette	<ul style="list-style-type: none"><li>•</li></ul>
Harakah	<ul style="list-style-type: none"><li>•</li></ul>
Malaysia Dateline	<ul style="list-style-type: none"><li>•</li></ul>
Bernama	<ul style="list-style-type: none"><li>•</li></ul>
See Hua Daily News (Kuching)	<ul style="list-style-type: none"><li>•</li></ul>
Guan Ming Daily	<ul style="list-style-type: none"><li>•</li></ul>
The Borneo Post	<ul style="list-style-type: none"><li>•</li></ul>

JENIS AKHBAR						MUKA SURAT	TARIKH		
UTUSAN MALAYSIA	✓	KOSMO		THE STAR	NANYANG SIANG PAU				
BERITA HARIAN		SINAR HARIAN		THE SUN	ORIENTAL DAILY				
HARIAN METRO		NEW STRAITS TIMES		THE MALAY MAIL	PELBAGAI				
KATEGORI BERITA						13	18/1/2021		



UM M/S 13

18/1/2021

**RAHIM Yusoff** kini mencari rezeki dengan menternak ikan air tawar di dalam gelung simen di Kampung Bukit Pangkal Gong, Machang.

## Bekas atlet paralimpik gigih ternak ikan air tawar

Oleh **BAHRUDDIN HATTA**  
 utusannews@mediamulia.com.my

**MACHANG:** Tanpa kedua-dua belah tangan, bekas atlet paralimpik negara, Rahim Yusoff tetap ligat mencari rezeki untuk keluarga dengan cara menternak ikan air tawar di dalam gelung simen di Kampung Bukit Pangkal Gong, di sini.

Rahim, 54, sebelum ini pernah mengharumkan nama negara apabila meraih pingat emas dalam acara lompat tinggi ketika temasya Sukan Para Asia di Hanoi, Vietnam pada 2004.

Kata Rahim, dia terpaksa mencari sumber rezeki lain untuk menyara isteri dan tiga anak perempuan berusia lapan hingga 17 tahun ini selepas pendapatannya sebagai tukang jahit merosot teruk sejak negara dilanda pandemik Covid-19.

Isterinya Noraidah Hamzah, 46, yang lumpuh selepas melahirkan anak bongsu mereka pula membantu menambah pendapatan keluarga dengan cara membuat telur masin di rumah.

"Saya melihat gelung simen terbiar sahaja di tepi rumah dan terfikir untuk memanfaatkannya dengan cara menternak ikan air tawar.

"Pada peringkat awal, saya membeli sebanyak 1,000 ekor anak ikan keli dengan modal RM300 pada November lalu. Dalam tempoh dua bulan, ikan



**RAHIM Yusoff** menternak ikan air tawar di dalam gelung simen.

ternakan saya sudah boleh dijual," katanya ketika ditemui *Utusan Malaysia* di rumahnya di sini hari ini.

Selepas melihat potensi kerjaya baharunya itu, Rahim menambah dua jenis ikan lagi, iaitu ikan tilapia merah dan ikan haruan untuk ditenak dalam gelung simen itu.

Usaha Rahim mendapat perhatian Kelantan Biotech dan Persatuan Pertanian Kelantan (Alami) yang menyarakannya supaya menanam sayur secara

aquaponik, iaitu menggunakan najis ikan sebagai baja tumbuhan.

"Diharap golongan OKU lain dapat menjadikan usaha saya ini sebagai inspirasi untuk memajukan diri dan berdikari tanpa mengharapkan bantuan meskipun kekurangan dalam aspek fizikal," katanya.

Selain menternak ikan di dalam gelung simen, Rahim juga menternak lembu dan kambing biri-biri sebagai pendapatan sampingan.

JENIS AKHBAR							MUKA SURAT	TARIKH
UTUSAN MALAYSIA	✓	KOSMO I		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		30	18/1/2021

UM 18/1/2021

Kapal besar makin banyak berlabuh di Port Dickson membimbangkan

## Nelayan sukar tangkap ikan

Oleh **BADRUL HAFIZAN MAT ISA**  
badrulisa@mediamula.com.my

**PORT DICKSON:** Peningkatan jumlah kapal berlabuh di kawasan perairan Port Dickson sejak kebelakangan ini mendatangkan keresahan dalam kalangan nelayan termasuk di kawasan Telok Kemang.

Pengerusi Persatuan Nelayan Telok Kemang, **Md. Isa Johar** berkata, pertambahan kapal dagang yang berlabuh terutama yang berdekatan dengan perairan Telok Pelanduk dan Kuala Linggi, Melaka memberikan risiko kepada nelayan-nelayan pinggir pantai yang mencari rezeki.

"Kapal-kapal dagang ini berlabuh begitu hampir dengan pantai, memang ia agak memberi risiko kepada nelayan terutama pada waktu malam termasuk bot nelayan dilanggar oleh kapal-kapal ini."

"Satu lagi masalah ada jaring-jaring hanyut yang dipasang oleh nelayan juga habis rosak dilanggar kapal-kapal ini. Memang ia merugikan para nelayan, malah saya difahamkan nelayan di Melaka juga sering menghadapi masalah yang sama," katanya ketika ditemui *Utusan Malaysia* di sini, semalam.

Tambah Md. Isa, pihaknya ada mengadukan masalah tersebut termasuk kepada Ahli Dewan Undangan Negeri (ADUN) Ling-



**MD. Isa Johar (kiri)** menunjukkan deretan kapal dagang yang berlabuh di perairan Port Dickson dan bersempadan dengan Kuala Linggi, Melaka yang menjejaskan aktiviti nelayan ketika ditemui *Utusan Malaysia* di Tanjung Agas, Port Dickson, semalam. - UTUSAN/MUHAMMAD IZZAT TERMIZIE

gi, Datuk Abdul Rahman Mohd. Redza dan tidak lama selepas itu mendapati kapal-kapal terlibat berganjak sedikit ke tengah.

"Saya sendiri tidak pasti apa sebab kapal-kapal ini menjadikan perairan di sini sebagai tempat mereka berlabuh malah kadang-kadang bukan sahaja kapal dagang, kapal peranginan juga ada yang berlabuh di sini."

"Kami ada buat aduan kepada wakil rakyat dan pihak berkuasa, selepas aduan saya

lihat ada kapal yang bergerak ke tengah namun tidak lama kemudian ada kapal menghimpit dan menghampiri ke pantai," katanya.

Sementara itu, seorang nelayan, **Zulizat Yakın**, 40, berkata, pendapatan nelayan juga terjejas ekoran kapal-kapal dagang menjadikan perairan tersebut sebagai tempat berlabuh.

"Apabila jaring hanyut rosak dilanggar kapal-kapal ini sudah tentulah tipis untuk kami

mendapatkan hasil laut malah kami juga terpaksa menanggung kerugian jaring yang rosak tersebut.

"Semua kapal-kapal ini bukan kapal kontena tapi sebaliknya kapal dagang membawa minyak."

"Kami bimbang kehadiran kapal-kapal ini membawa masalah lain pula seperti pencemaran akibat tumpahan minyak dan sebagainya, siapa yang tahu," katanya.

JENIS AKHBAR							MUKA SURAT	TARIKH
UTUSAN MALAYSIA		KOSMO!		THE STAR		NANYANG SIANG PAU		
BERITA HARIAN	✓	SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		24	18/1/2021

# Nelayan tidak puas hati pampasan hanya RM20,000

BH M/S 24 18/1/2021

## Pen Mutiara tetap bantah projek kerajaan Pulau Pinang

**Georgetown:** Nelayan yang terjejas dengan projek tambakan laut di perairan selatan Pulau Pinang di Gertak Sanggul, Teluk Kumbar, di sini mendakwa pampasan berjumlah RM20,000 yang ingin diberikan kerajaan negeri kepada mereka, tidak setimpal dengan projek bertaraf mega bakal dibangunkan di kawasan itu.

Pengerusi Persatuan Nelayan Pulau Pinang (Pen Mutiara), Mahadi Md Rodzi, berkata nilai pampasan yang dicadangkan terlalu sedikit jika dibandingkan dengan jumlah projek hendak dibangunkan, selain faktor kehilangan pendapatan nelayan yang dilihat akan kekal.

"Pampasan RM20,000 amat tidak logik dengan cadangan bayaran pula ada yang tidak di-

bayar sepenuhnya. Bayaran kepada nelayan di kawasan paling dekat dengan pulau A, iaitu Permatang Damar Laut akan dibayar dulu sebanyak 75 peratus, manakala bakinya dicadangkan RM800 setahun.

"Bagi nelayan di Sungai Batu dan Gertak Sanggul (nelayan di bawah kategori A) pula dibayar 25 peratus daripada jumlah pampasan, manakala nelayan bagi kategori B hanya RM4,000 dan dicadangkan dibayar secara sekali bayaran serta tiada cadangan pampasan kepada nelayan di seluruh negeri yang diletakkan di bawah kategori C," katanya.

Mahadi berkata, persatuan itu sehingga kini tetap dengan pendirian mereka, iaitu membantah cadangan projek terbabit.

Mengenai beberapa pakej lain yang dijangka diberikan kerajaan negeri antaranya seperti pembinaan jeti baharu, koperasi nelayan, skim tuisyen dan pendidikan untuk anak-anak, skim latihan untuk nelayan serta peluang pekerjaan bagi mereka yang layak, Mahadi berkata, ia

**Nilai pampasan dicadangkan terlalu sedikit jika dibandingkan dengan jumlah projek hendak dibangunkan, selain faktor kehilangan pendapatan nelayan yang dilihat akan kekal.**

**Mahadi Md Rodzi,**  
Pengerusi Pen Mutiara

dilihat tidak mampu meyakinkan nelayan.

"Kita sedia maklum peruntukan kerajaan untuk jeti selama ini tidak pernah putus diterima, manakala koperasi juga tidak perlu kerana majoriti nelayan menjadi ahli persatuan nelayan di bawah Akta Lembaga Kemajuan Ikan Malaysia (LKIM) 1971.

"Latihan apa yang hendak diberikan kepada nelayan? Peluang

pekerjaan apa yang ada. Adakah nelayan perlu beralih ke bidang lain?," katanya.

Sementara itu, Timbalan Ketua Menteri 1, Datuk Ahmad Zakiyuddin Abdul Rahman, berkata sumbangan tunai itu adalah sebahagian daripada pakej untuk meningkatkan taraf hidup nelayan di kawasan berkenaan yang akan diumumkan pada Khamis ini.

Di bawah projek PSR, kerajaan negeri mencadangkan projek pembangunan menebus guna kawasan laut seluas 1,821 hektar, termasuk pembinaan tiga pulau buatan di kawasan Selatan Lapangan Terbang Antarabangsa Pulau Pinang sehingga ke perairan Permatang Damar Laut.

Projek Pelan Induk Pengangkutan Pulau Pinang (PTMP) bernilai RM46 bilion itu turut membabitkan pembinaan terowong bawah laut menghubungkan pulau dan tanah besar, lebuh raya, LRT, monorail serta jaringan bas menyeluruh di antara bahagian pulau dan Seberang Prai.

BERNAMA

JENIS AKHBAR							MUKA SURAT	TARIKH
UTUSAN MALAYSIA		KOSMO !		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO	✓	NEW STRAITS TIMES		THE MALAY MAIL		PELBAGAI		
KATEGORI LIPUTAN :		POSITIF		NEGATIF		NEUTRAL	20	18/11/2021

**Kuala Lumpur:** Warga kota tidak perlu panik berlaku kekurangan bekalan ikan berikutan bahagian ikan di Pasar Borong Kuala Lumpur ditutup selepas merekodkan kes positif Covid-19.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Kuala Lumpur, Ariffin Samsudin (*gambar*) berkata, pemeriksaan pihaknya mendapati bekalan barangan keperluan termasuk ikan mencukupi.

"Arahan menutup Pasar Borong Kuala Lumpur itu bukan daripada KPDNHEP sebaliknya dibuat atas inisiatif persatuan peniaga di kawasan berkenaan sendiri

selepas disyaki ada kes positif direkodkan dalam kalangan mereka.

"Pengguna di Kuala Lumpur yang memerlukan bekalan ikan boleh ke pasar raya lain kerana dari segi harga masih di tahap mampu beli.

"Mengetahui bekalan ikan pula walaupun Pasar Borong tutup, tapi tiada masalah bekalan dan mencukupi sepanjang Perintah Kawalan Pergerakan (PKP)," katanya selepas mengetuai pemeriksaan barangan keperluan pengguna di Pasaraya Aeon Metro Prima. Kepong di sini,

semalam.

Turut hadir, Ketua Penguatkuasa KPDNHEP Kuala Lumpur, Zubir Hamsa.

Sebelum itu, KPDNHEP Kuala Lumpur turut menjalankan pemeriksaan di pasar raya NSK Kepong.

Ariffin berkata, sehingga hari ini sebanyak 87 premis perniagaan diperiksa penguat kuasa KPDNHEP Kuala

HM N15 20 18/11/2021



Lumpur dan semua premis perniagaan didapati mempunyai bekalan barangan keperluan, selain mematuhi prosedur operasi standard (SOP). Beliau berkata, pihaknya memantau secara harian barangan keperluan bagi memastikan barangan mencukupi dan mudah

diperolehi di pasaran, sekali gus mampu menampung keperluan pengguna secara berterusan.

"Antara barangan dipantau termasuk gula, minyak masak, tepung gandum, beras, roti, susu tepung, ayam, sayur-sayuran, telur, bawang, cecair sanitasi tangan dan pelitup muka," katanya.

Selain itu, katanya, sejak PKP dilaksanakan pihaknya menerima 67 aduan membabitkan harga dan bekalan sebanyak 17 aduan, perkhidmatan atas talian (22), perkhidmatan mengelirukan (11), lain-lain (17).

Ditanya mengenai harga minyak masak tinggi ketika PKP, beliau berkata, pemantauan mendapati masih ada minyak masak yang dijual pada harga rendah seperti minyak masak paket.

"Kita faham harga sawit di pasaran meningkat ketika ini dan mempengaruhi harga minyak masak di pasaran. Namun kerajaan berusaha memastikan harga optimum.

"Pengguna mempunyai pilihan dan perlu bijak memilih minyak masak atau barangan yang dijual pada harga lebih rendah. KPDNHEP tiada halangan untuk orang ramai membeli minyak masak dalam paket," katanya.